



Miz ngoenz he, gwn haeuxngaiz le, mbwn raemhcupcup, goengda yousim naeuz: “Lwgraz lij youq ndaw reih, danghnaeuz mbouj sou, doek-fwn le, lwgraz couh hwnjmwat lo.” Daxmeh bekbek fwngz naeuz: “Gyoengq lwgnyez, gungqsou hix miz seiq liengx rengz, vunz lai rengz hung, daihgya cungj bae bang sou lwgraz ba.” Dou caengz guh gvaq hong nazreih haenx angqvauvau diuq hwnjdaej.

Daeujdaengz henz reih, dou cungj baen ndaej fag lienz he. Daihgya cung haeuj ndaw reih bae, hihaha gvej goraz. Gou buet daengz goraz youh hung youh sang he, yaengx fagliemz couh raemj roengz-bae, goraz bi geij mbat, youh ndwn soh lo. Gou cijndei dawz fagliemz lumj dawz faggawq nei gawq goraz,

gawq haujlai nanz cij gawq raek. Gou cingq daekeiq, nyex gyauej baez yawj, daxmeh gaenq gvej ndaej bog he lo. Caiq yawj, dahcej hix gvej ndaej bog iq he. Gou gip ndaej yaek daej bae, ganjgaenj bae cam daxmeh baenzlawz gvej. Daxmeh naeuz: “Gvej goraz seiz, song ga loq aj ok, mienx deng gvej daengz ga, bakliemz loq ngeng daxhwnj, yienghneix cij gvej ndaej vaiq. Mbouj gangj fuengfap hengzmann gvej, sai rengz youh nguh hong bw.” Gou naj nding dwk ngaekngaek gyauej, hag gij fuengfap daxmeh, caen dwg yungzheih gvej haujlai. Seizhaenx, gou yawjraen goraz iq he, couh yungh rengz ciemz, siengj mbouj daengz goraz deng gou lienz rag ciemz hwnj, gou lienz doiqlaeng geij yamq cij ndwn ndaej maenh. Gou nyex gyauej yawj, dai lo, goek goraz lumj fagmid nei baizlied, danghnaeuz laemx roengz, caekhaex gou couh yaek hai va lo!

Mbwn yied daeuj yied raemh, gwnzmbwn fwj ndaemndwtndwt, doek fwn iq lo. Dou cungj mbouj caiq guh'angq, ngaem gyauej guh hong. Hainduj dawz baenz bog lwgraz cang hwnj dohlahgih bae lo. Vunzhung baez ndeu couh gwed ndaej geij bog lwgraz, dou lwgnyez gwed mbouj ndaej, couh song boux ram. Goengda naeu: “Siengj mbouj daengz ngoenz-neix raeuz gvej ndaej baenzlai lwgraz, daihgya sinhoj lo! Daengz seiz moix vunz ciengj bingz youzlwgraz he!” Yienznaeuz dou gig naet, hoeng daihgya mwngz yawjyawj gou, gou yawjyawj mwngz, cungj riu lo. Laxlawz gwnz naj, gwnz fwngz daihgya cungj dwg uq namhndaem, cungj bienqbaenz boux vunzdaem lo!

Ngoenz neix yienznaeuz gig naet, hoeng ndawsim gou gig angq, aenvih gou cimz daengz le gij feihdauh guhhong angqyangz.

(roek nienzgaep Cau Gyahhau)

Yiuhumz Boihseiz

风筝的悲剧

Mbwn gvengqgvvet, rumz cififi, cingq dwg seiz ndei cuengq yiuhumz.

Aen yiuhumz gyaundeit he cingq youq haenzdah hawj bouxcawj de cuengq.

Yiuhumz baenz di baenz di mbin hwnj sang, sang gvaq mbungq-mbaj, sang gvaq duzroeg, vaiq daemj deng fwj lo!

Gyoengq lwgnyez cungj ngiengx gyauej yawj de, haenh de ak. Yiuhumz baez dingq, engq miz rengz lo, de angq dwk bi aenndang de, siengj mbin ndaej engq sang.

Hoeng gig vaiq, yiuhumz raen swheij caiq hix mbouj miz banhfap

mbin ndaej sang lo. Laxlawz, diuz-sienq ndaw fwngz bouxcawj de cingq rag dawz de. Seizde, duz roeglaejdiuqmbwn he daj henz ndang de mbin gvaq. Yiuhumz ganjgip hemq naeuz: “Dahnuengx roeglaejdiuqmbwn, cingj mwngz bangbang gou ba! Cingj mwngz dot gat diuz sienq cug gou haenx, gou siengj mbin ndaej lumj mwngz yienghneix sang.” Roeglaejdiuqmbwn mbin gvaqdaej, bang yiuhumz ding gat diuzsienq. Dingilingz, raq rumzhung he bongj daej, yiuhumz riengz roeglaejdiuqmbwn doxcaez mbin hwnj sang.

“Mbouj miz doxgaiq ragdawz



caen ndei ha!” Yiuhumz vah caengz gangj sat, sawqmwh rumz iq lo. Mbouj miz rengz diuzsienq ragdawz, yiuhumz caiq hix gaemhanh mbouj ndaej aenndang swheij, bibi buengqbuengq doek roengz gyang dah bae, riengz raemx lae bae lo.

(Cau Hojyen)

“Deng lo.” Mehnax cam, “Gij-neix hawj dahniq ndaw doz daiq daeuj gijmaz ne?”

Daegcoengh siengjsiengj le, naeuz: “Dieg cazyawj gisieng liz giz dieg vunz youq haenx haemq gya, dahniq caeuxcaeux couh hwnqdaej, dingj rumz soemh siet bae cazyawj gisieng cingzgvang, geiq ‘dienheiq ngoenzneix’, gig mbouj fuengbienh.”

Mehnax naeuz: “Baihlay mwngz couh yaek siengjsiengj, dahniq ndaw doz youq gij cingzgvang dangseiz, dwg baenzlawz siengj, baenzlawz gangj, baenzlawz guh.”

Daegcoengh daegdaengq naeuz: “De dwg baenzlawz siengj, baenzlawz gangj, baenzlawz guh, ndaw doz mbouj sij okdaej, gou baenzlawz rox ha?”

“Mwngz dwg mbouj dwg siengj heuh gou bang mwngz gangj bien cozvwnz neix okdaej liux bae ha?” Mehnax guj ok gij siengjgap Daegcoengh, riuriu le, ciepdwk naeuz,

sij cozvwnz cingzgingj

Yawj Doz Sij Cozvwnz

看图写文

“Mwngz siengjsiengj, dah niq he, youq gyanghaet seiznit, dingj rumz soemh siet, byaij baenz gya lo, bae cazyawj gisieng cingzgvang, geiq ‘dienheiq ngoenzneix’, yungzheih lwi?”

Daegcoengh naeuz: “Cingqcaen mbouj yungzheih. Mbwn baenz nit, youh dwg gyanghaet, raeuz lij youq ndawdenz ninz ne. Gou siengj, de youq dienheiq yakrwx roengzsiet bongjrumz neix bae geiq gisieng cingzgvang, caen dwg gienh saeh mbouj yungzheih he.”

“Gangj ndaej deng.” Mehnax laebdaeb dazyinx, cam, “Gijneix ndaej

fanjyingj ok dahniq gijmaz cingsaenz ne?”

“Mbouj lau sinhoj.”

“W.”

“Genhciez mbouj cuengqsoeng.”

“Deng. Lij ndaej mbouj ndaej engq laegdaeuq di?”

“Lij miz doiq gunghcoz gig fucwz.”

Mehnax lwnh Daegcoengh: “Neix couhdwg eiqsei laegdaeuq cozvwnz. Baihlay mwngz heux aen eiqsei neix, caenh'itbough gidij bae siengj, aeu dahniq neix siengj baenz bouxvunz henz ndang mwngz, sawj boux vunz



Daxbuz Rox Bienq “Fapswd”

会变“魔术”的奶奶

Daxbuz gou roekcib lai bi lo, itcig mbaet gwn mbaet yungh.

Miz ngoenz ndeu, geuvaq gou sik lo, gou ngaek daxmeh cawx geu moq he hawj gou. Daxbuz naeuz: “Geu vaq neix lij moq, cij sik aen congh he, fongfong lij daenj ndaej.”

Daxbuz ra daeuj vengq baengzva he, gaem faggeuz lingzgiuj daet dwk. Gou cam daxbuz: “Mwngz daet gijmaz?” Daxbuz sing iq naeuz: “Gaej cauz, yaep he mwngz couh rox lo.” Fagim youq ndaw fwngz daxbuz hwnjhwnj roengzroengz, duzmwi dwg-gyaez he yienh okdaej lo. “Ndei lai lo, daxbuz rox bienq ‘fapswd’!” Gou daenj hwnj geu vaq fong ndei haenx, ndwn youq baihnaj aengingq angq dwk naeuz: “Caen gyaundeit!” Daxbuz riu naeuz: “Baezlaeng gaej doengh mbouj doengh couh vut gij-neix, vut gijhaenx, gwndaenj ndei le hix yaek mbaet gwn mbaet yungh ha.”

(ngeih nienzgaep Vangz Vwnzhanz)



neix sengdoengh hwnjdaej. Lumj de miz gij biujcingz baenzlawz yiengh, de youq ndaw rumzsiet baenzlawz byaij loh, de gangj le gijmaz vah, yungh cihsaw aeu gijneix cungj biujyienh okdaej.”

(3)